



UNIVERSITÄTS-
BIBLIOTHEK
PADERBORN

**Bavaria Sancta Maximiliani Sereniss. Principis Imperii,
Comitis Palatini Rheni, Vtrivsq. Bav. Dvcis Avspiciis**

Rader, Matthäus

Monachii, 1615

S. Virgilivs Salisbvrghensis Carinthiorvm Doctor.

[urn:nbn:de:hbz:466:1-79686](https://nbn-resolving.org/urn:nbn:de:hbz:466:1-79686)

S. VIRGILIUS EPISC. SALISBURG.



Ad salsas rupes et flumina salsa Iuvauj
 VIRGILII tumulus prodigiosus erat;
 Ob quem punita est incredula lingua ministri,
 Et fœdè à stygio torta retorta lupo?

Donec ad ipsius, quem læserat improbus aras,
 Quam prius abnuerat credere, sensit opem.
 Discite iustitiam moniti, et non temnere Deos:
 Quorum abit hæud unq̃ spiritus inultus honor.

N

S. VIRGI.

DE S. VIRGILIO EPISCO PALATINO

S. VIRGILIO EPISCO PALATINO



Episcopus Palatinus
S. Virgilius Episcopus Palatinus
S. Virgilius Episcopus Palatinus
S. Virgilius Episcopus Palatinus

10172 N

S. VIRGILIUS

SALISBURGENSIS PONTIFEX.

CARINTHIORVM DOCTOR.



Irtus in excelso sita semper augustiorem habet aspectum. Multum addit generis splendor recte factis, quod in Virgilio quoque ex Hibernia claris majoribus profecto celebramus. Is ubi à Pipino Galliarum rege ad Vtilonem venit, illico in Præsulem Salisburgensem expetitus, pro animi sui modestia toto benio repugnauit; ægrè tandem, ut votis reliquorum antistitum, ac populi suffragationibus cederet, inductus est. Suscepta suorum cura, nihil prius habuit, quam ut ouilia pascuis celestibus saginaret, verboque & factis ad cælum deduceret. Eadem quoque sacram ingenti opere molitus, primo Bojorum diuinæ legis præconi & magistro S. Ruperto nuncupauit; sacris illius cum Cunibaldi & Gisilarij Comitum cineribus ex D. Petri sacrario illuc translatis, ut ex contemplatione Mausolei haberent Iuuauenses pontifices, quos imitarentur. Virgilius re domi benè gesta, nominèque sanctitatis inclito per egregia facinora parto, à Carantanis quoque inuitatur, ut in ibi jacenti religioni succurrat. Misit ille primum Modestum præsullem, Vatonem, Reginbertum, presbyteros, diaconosque, & alios complures; demùmque ipse secutus, ingens operæ precium fecit, omniâq; Pontificis ac curionis officia, moliendis, sacrandisq; templis, populo docendo, ægris visendis, vicis, pagis, oppidis lustrandis, executus est. quibus rebus effecit, ut velut vnus e cælitibus etiam in terris coleretur. Inde ad fines vsque Pannonum excurrrens, ubi Drauus, apud Pirustas natus, se in Istrum exonerat, gentes disciplina imbuit Christianâ, docuitque ad præscripta legum sacrarum vitam conformare.

100CLXXX
IV.
S. Eber-
hardus Ep.
pisc. Salis-
burg. Chr.
MS. Salis-
burg. Tom.
2. Ant. le-
ction. 2. 6.
Hundius
Metrop.
C. Baron.
M. Velfe-
rus, Baron-
nius, alij.

Inijt Salisburgi, Stephano Pontif. volente jubente, Episcopatum Anno 100CLXIV. finiit 100CLXXXIV. tenuit annos viginti, addunt vnum nonnulli propter excurrentes annorum menses. Fuit illi cum S. Bonifacio controuersia de baptismo, per imperitum Sacerdotem corruptis postremis vocum syllabis impletum, vicitque ex Zachariæ sententiâ Virgilius cum Viuilone Batauiensi Episcopo. Fuit & alia illi cum eodem de duobus mundis quæstio, cum Virgilius Antipodas intelligeret; sed alij mentem ejus apud Bonifacium pessimè in-

N 2

terpreta-

DE S. VIRGILIO EPISC. SALISBURGENSI.

terpretarentur homines improbi, seminandis inter principes discor-
dijs, & ciniffiones excitandis incendijs nati.

* Anno
784. natū
cū videro
scribas.
Alioquin
Geoffm
vita, obij-
se traditur
780. Tum
erunt ab
obitu anni
452.

S. Virgilius anno post obitū quadringētesimo octauo supra*qua-
dragesimū in cælitum album venit hac viā. Friderico Ahenobarbo
Remp. Christianā pessimē habente, & cum Alexandro III. P. M. capi-
talibus odijs decertante, Archiepiscopus Salisburg. meliores pon-
tificis partes secutus, & ipse proscrip-
tus est, & ager Salisburgensis
grauiter vexatus, ædesque S. Ruperti incendijs & ruinis fœdum in
modum deformata. Conradus V Vittelspachius Salisburgensis pon-
tiffex, idēque postea Cardinalis, & Sabinensis præsul, ac demum
Moguntinus Metropolita, & Imperij VII. vir, Othonis primi Bojo-
rum ex gente Schiranā principis, germanus frater, hanc dum repur-
gat, imō a fundamentis renasci iubet, laxatæ veteris muri parietinæ
aperuerunt conditorium, in quo reperta S. Virgilij tumba cum ap-
pictā imagine & monosticho.

Virgilius templum construxit schemate pulchro.

Illico sparsa per urbem, agrūmq; fama, tumulum ingenti hominū
copiā certatim accurrentiū, sanctāq; Pontificis pignora venerantiū
frequentauit. Nec Virgilij sanctitas diutius latuit per ingentia
mox prodigia in omnem orbem inuulgata. Nam fœmina cum eni-
tendo hærentem partum explicare non posset, per quietem de susci-
piendo voto admonita, cereum ad modum corporis sui factum,
juxta Virgilij sarcophagum accendi curauit, simulque fœtum edi-
dit. Alijs alia beneficia ab eodem præstita. lux cæcis refulsit; imme-
dicabiles morbi curati, vitia corporum correctæ, aures surdis referatæ;
mutis vox & lingua explicata; claudis nerui compositi; tempe-
statibus alij ingruentibus erepti, qui passim omnes salutem Virgilio
in acceptis retulere. Vnus duntaxat ex sacris templi ministris dia-
conus sæpius mirandis Virgilij factis obtrectabat, fidēque mira-
culorum eleuabat, donec arreptus ab inferno hoste, immaniterq;
excruciat, ipsemet coactus est ad sacros Virgilij cineres appellare,
vbi supplex veniam proteruiæ impetrauit, & ab ingrato hospite li-
beratus est. Histantis, & tam crebris miraculorum nuncijs indu-
ctus orbis Christiani pater Gregorius Romani nominis IX. anno
post Virginis partum *

* Særo.
Hundius.
Alij XXX
III.

10. CCXXXII. S. Virgilium inter cælitēs co-
lendum præcepit, dignum jam diu eā veneratione Caran-
tanorum doctorem, Bojorum fidus,
Germaniæ solem.



B. GEROL-